

NO. SOALAN: 75

**PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KETIGA BELAS
DEWAN RAKYAT**

PERTANYAAN : LISAN

DARIPADA : YB TUAN FONG KUI LUN [BUKIT BINTANG]

TARIKH : 9 JUN 2015 (SELASA)

SOALAN :

Tuan Fong Kui Lun [Bukit Bintang] minta **PERDANA MENTERI** menyatakan apakah pandangan dan tindakan Kerajaan ke atas aduan ramai pihak berhubung tindakan JAKIM mengetatkan kelulusan acara hiburan yang memberi impak ke atas industri pelancongan.

JAWAPAN: (YB MEJAR JENERAL DATO' SERI JAMIL KHIR BIN HAJI BAHAROM (B), MENTERI DI JABATAN PERDANA MENTERI)

Tuan Yang di-Pertua,

Untuk makluman Ahli Yang Berhormat, Jabatan Kemajuan Islam Malaysia (JAKIM) tidak ada kuasa untuk mengeluarkan mana-mana lesen hiburan dan hanya mengeluarkan garis panduan yang bersifat arahan tetapi bukan

dalam bentuk peraturan dan undang-undang. Sehubungan itu, Garis Panduan Hiburan Dalam Islam telah diterbitkan oleh Jabatan Kemajuan Islam Malaysia (JAKIM) pada tahun 2007. Garis Panduan Hiburan Dalam Islam (Edisi Kedua) 2015 pula adalah penambahbaikan terhadap Garis Panduan terdahulu. Ianya adalah sebagai panduan kepada pihak-pihak yang terlibat dalam menyediakan hiburan di negara ini supaya menepati kehendak Islam, termasuklah pengajur, penonton dan lain-lain.. Objektif Garis Panduan tersebut adalah seperti berikut:

- (i) memberi panduan kepada pihak yang terlibat dalam aktiviti dan industri hiburan untuk berkarya tanpa melepas batasan syarak;
- (ii) membantu para pengajur dan pihak penerbit dalam menyusun atur program yang mengandungi aspek hiburan sejajar dengan didikan Islam dengan mengambil kira keperluan masyarakat, bangsa, agama dan negara;
- (iii) membantu pihak berkuasa untuk memastikan pengajuran program hiburan dalam bentuk tontonan terpimpin kepada masyarakat secara umumnya berteraskan akidah, syariah dan nilai-nilai akhlak; dan
- (iv) memupuk kefahaman di kalangan masyarakat awam mengenai bentuk hiburan yang dianjurkan dalam Islam.

Bagi mengelakkan salah faham pelbagai pihak terhadap Garis Panduan Hiburan Dalam Islam (Edisi Kedua) 2015, Kerajaan melalui JAKIM dan agensi berkaitan bersedia memberi penjelasan kepada semua pihak tentang garis panduan ini dari aspek pelaksanaannya dan juga isu-isu yang kurang jelas serta boleh menimbulkan keresahan pihak-pihak yang berkaitan termasuk mereka yang terlibat dalam industri pelancongan.

Untuk makluman Ahli Yang Berhormat, setakat ini pihak Kerajaan menerima banyak respons positif daripada pelbagai pihak berhubung garis panduan ini. JAKIM juga telah dihubungi oleh pengajur program hiburan bagi mendapatkan nasihat dan penjelasan berhubung dengan garis panduan ini. Dari kalangan artis pula, penerimaan yang sangat baik terhadap garis panduan ini.

Adalah diharapkan Garis Panduan ini akan memberi impak positif kepada industri pelancongan. Ia akan mewujudkan budaya hiburan yang sihat di negara ini. Dalam masa yang sama, Kerajaan dapat membendung gejala sosial tidak sihat dalam masyarakat yang berpunca daripada hiburan melampau yang tidak terkawal.

Sekian, terima kasih.